

آبونه شرا : هر رايچون
سنه لکي (٤٠٠) آلتی ایلنی
(٢٢٥) ، ممالك اجنبیه ایچون
سنه لکي (٤٥٠) ، آلتی ایلنی
(٢٥٠) غروشدور.

نسخه سی ٧,٥ غروشدور .
سنه لکي ٥٢ عددور .

اداره خانه : باب عالی جاده سنده
رشید افندی خاندنه


اخطارات
آبونه بدلی پشیندر .

مسلكه موافق آثار مع المنونیه
قبول اولتور . درج ایدله یین
یازیر احاده اولتماز .

والله یهدی من یشاء الی صراط مستقیم

باش محرر
محمد ماکف

صاحب و مدر
اشرف ادیب



اداره سی تبدیلیده ایریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالك اجنبیه دن آبونه
اولانلرک آدرسلرینک
فرانسجه یازلسی رجا اولتور .

یاره کوندردلکی زمان نهیه
دائر اولدیفی بیلدرلسی
رجا اولتور

اتبعون اهدکم سیل الرشاد

متاغدن ، سیاسی غائبی یوق ، غزنہ در مجلہ در ہیچ رشیدن خبرلری یوق . دھا الی سنہ یہ قدر شمندر فر خطی کورمہ جکر . فی الحقیقہ اخراجات حقندہ دوچار مشکلات اولیورلر . فقط ادخالات خصوصاً سندہ کی احتیاجلری دہ نظر اعتبارہ آلیرسہ تقابل حصولہ کلش اولور . تورکستان چینی غایت زنکین بر مملکت . « کوچار » جوارندہ « پترول » چیقارہ عمومیتلہ او پترولی استعمال ایدرلر . آوروپا اصولندہ ماکنہلر استعمال ایتزلرسہ دہ ، پترولی کنڈیلری استحصال وکنڈیلری تمیزلہ رک استعمال ایدیورلر . برقاج یردہ معدن کوموری وار ، بتون کویلرہ واریجہ محروقات معدن کوموریلہ اداره اولور . شو صورتلہ آوروپا اسرافانندن سالم ، کنڈی حیاتی ایچون ہرنہ لازم ایسہ ہپسنہ مالک . غایت مہم برقطعہ . اوت میلیونی آرز ، فقط دیلہ نجیسی دہ ہیچ یوق . عجبا بو آدملر ، بوکون مدنیت لزومی حس ایدرلری ومدنیتک بولنرہ لزومی وارمی ؟ دیہ سٹوال اولورسہ عجبا نہ جواب ویرلردی ؟

عبدالرشید

اسلام عالی

ریف جہادی . — ریف قہرمانلرینک احراز ایتدکری موفقیات اوزرینہ فاسدہ اسپانیولارک موقی صوک درجہ صارصلدیغندن اسپانیا دیکتاتوری جنرال (پرمودوریوہ را) بر رجعت خطی تأسیس وقبائل یکدیگریلہ حربہ سوق کبی پلانلرک افلاسی اوزرینہ ریف قہرمانی و سلطان عبدالکریم یاخود مشارالہک برادری وریف اردولرینک باش قوماندانی امیر محمد ایلہ کوروشمک وندا کراندہ بولونمق ایستہ دیکنی بیان ایتشدہ . صلح ایچون عبدالکریمک ریف استقلال تامنی شرط اساسی اولارق درمیان ایتہسنہ مقابل اسپانیا دیکتاتوری ریفستانہ آنجق مختاریت نامہ ویرہ بیلہ جکلرینی ؛ چونکہ فاسدہ کرک اسپانیا ، کرک فرانسنہک فاسدہ قدرت حربیہ بی حائر بر حکومت اسلامیہک تأسسنہ موافقت ایدہ میہ جکفی بیان ایتشدہ .

اسپانیا دیکتاتورینک بیاناتیلہ ریف سلطانک مطالبی آرہ سندہ کی فرقہ مبنی ہر حالہ مومی الیہ طرفندن درمیان اولونان تکلیفاتک عدم قبولہ اوزرایہ جفی و ریف قہرمانلرینک مجاہدہ لرنندہ دوام ایدہ رک استقلاللرینی تمامیلہ تأمینہ چالیشہ جکلری آکلاشلہ مقدمہ در .

بعض اجنبی غزنہ لرک مخبرلری انکلتزہ نک ریف قہرمانلرینہ مظاہرت ایتدکرینی یازمشلرڈی . حق (رسولی) نک ہزیمتی بومظاہرتہ عطف ایتمشلرڈی . انکلتزہ خارجیہ ناظری اخیراً عوام قمارہ سندہ بیاناتدہ بولونارق انکلتزہ نک اسپانیایہ متوجہ اولدیغنی و اونک دوچار اولدیغنی مشکلاتی برطرف ایتہسنی تہی ایلدیکنی سویلہ مہدی ،

ذاتاً اوقویوب یازمق احتیاجی دخی بر فضیلت عمد ایتدکری آکلاشیلوردی . علی آغانک تجارتی تورستان چیغی دن شانغہایہ قدر اوزاندیغنی حالہ اوقویوب یازمق لزومی حس ایتزسہ ، بشقہ لری البتہ اہمیت ویرمہ جکلری طبعیدہر .

عمومیتلہ مسلمانلر میانندہ تورکہ محبت فوق العادہ در . (اوروجی) دہ بزم اسکدارلی (آیاصوفیہ دہ مؤذن ایش) محرم بک نامندہ بر حافظہ تصادف ایتدک ، اورادہ تامل ایش ، چولق چو جفی دہ وار ، غایت کوزل بر حیاتیہ مالک . یرلی اہالی طرفندن فوق العادہ حرمت کوردیکنی لسان شکرانلہ نقل ایدیوردی . تورکستان چینی مسلمانلرندن صوک درجہ دہ نمون اولدیغنی ، حیاتی تأمین ایدیش بولوندیغنی ، استابولدن آریلہ لی اون ایکی سنہ اولدیغنی سویلیوردی . (قومیل) دہ مولوی قونیہ لی بر دہ دہ راست کلدک ، سکسانلک براختیار . سکھسی ونای یانندہ ، اورانک خانی طرفندن کنڈیسنہ بر مقدار معاش تعیین اولونمش ، سفالت چکمہ مش ، ہرکس کنڈیسنہ احترام ایتدکدہ ایدی . بزی کوردکدہ برجوشہ کلدی ، آریجہ بولوندیغمز خانہ دہ کلدک نای اولفہ دی . بعض فارسی بارچہلر اوقودی ، کنڈیسی آغلادی . بشقہ لرنی دہ آغلاندی . غایت خوش دینچ براختیاردی . « بورالہ ناصل دوشدک ؟ دیہ صورتدہ . حضرت مولاناک فرمانیلہ کلدم ، دیدی .

عمومیتلہ تورکستان چینی مسلمانلری مسافر پروردہر ، ہریردہ بوکبی ضریب مسافرلرہ تصادف اولونور . مسافر کیم اولورسہ اولسون حرمت ایدرلر ، مسافر شرفہ مخصوص ضیافتلر توالی ایدر . غایت خوش صحبتلر اولور . ضیافتلر دہ علمادن بری حلقہ نک اورتہ سندہ اوتورور ، احادیث نبویہ دن صحیح بخاری ، یاخود بشقہ کتابدن بر حدیث اوقور ، دیکرلری اوحدیث مناسبتیلہ تعاطی افکار ایدرلر ، مناقشہ لردہ بولونورلر . عوام کال احتراملہ دیکر . بعضاً مسافری دہ بر آز امتحان ایدرلر . مہم مسئلہلر آچیلیر ، مجلس ختامندہ حفاظ طرفندن برعشر شریف اوقونور .

ہر آقشام برینک خانہ سندہ بولنہ رق اجتماع ایدرلر ، عوام دہ دیکلہ مک ایچون کلیر ، استفادہ ایدر .

تورکستان چینی مسلمانلری میانندہ یکدیگریہ محبت ، انسیت فوق العادہ در . کنڈی بینلرنندہ ہرنہ کبی اختلاف اولورسہ اولسون ، محلہ اماملری واکابر علما حضورندہ حکم صورتیلہ دعوالرینی فصل ایدرلر ، شرعی قرارہ ہر ایک طرف راضی اولور . ذاتاً چین محکمہ سنہ وارسہ بیلہ علمادن استفتا اولنہ رق حکم اولنور .

خلاصہ عمومیتلہ تورکستان چینی مسلمانلری کنڈیلرینی دنیانک اراحت یاشان مسلمانلرندن عدایدرلر ، دنیالری مغمور ، مملکتک ہواسی کوزک ، خارچہ احتیاجلری یوق ، ماکولات ملبوسات یرلی

§ ریف قهرمانلرینه بر هیئت صحیه کوندرمک اوزره مصرده تشکل ایدن جمعیتک بر مقدار اعانه طریقه، موفق اولارق ارسال ایده جکی هیئت صحیه یی تشکیله باشلادیغنی مصر غزته لری یازمقده در. مرحالده بو هیئتک سرعته تشکل ایدرک ریف غازیلرینه یاردمه شتاب ایتمه سی زیاده سیله شایان تمیدر .

ایرانیه . — ایران باش وکیلی وحریه ناظری سردار سپه رضا خان اخیراً باش قوماندانلنی ده احراز ایتمشدر . مشار الیه ایران مجلس ملیسنه مراجعت ایدرک صلاحیتک محدودیتدن طولانی ایران اردوسنده پایبلماسی ایجاب ایدن اصلاحاتک دوجار تأخر اولدیغنی بیان ایتمش ، بونک اوزرینه مجلس وضعیق دریش ایدرک اولجه شاهک حقوقدن اولان ایران باش قوماندانلنی مقامی مشارالیه توجیه ایتمشدر . رضا خان بو وظیفه دن طولانی مجلسه قارشى مسئول اولاجقدر . ۱۳۳۶ سنه سنک اولندن بری اروپا . بولونان شاهک ایران عودت ایتمه سی ایچون ایران حکومتی وایران مجلسی طرفدن تلغرافلر کوندرلشدر . شاهک بو دعوتلره اجابت ایده جکی آکلاشلماقده در .

مصر . — مصرده ینه الک مهم مسئله انتخابات مسئله سیدر . فی الحقیقه مصر انتخاباتی برملی حادثه حالی آلمشدر . برطرفدن زغلول پاشانک غزته لری مشارالیه قاهر بر اکثریت قازاندیغنی یازیورلر . مصرک هرطرفدن مشارالیه یاغان تبریک خبرلری نشر ایدیورلر . دیگر طرفدن (مشروطیت پروا حرار) فرقه سی کندی غزته لری اولان (السیاسه) ده ستون ، ستون تلغرافلر نشر ایتمکده وکندیلرینک احراز ظفر ایتدکلرینی یازمقده درلر . بونلرک ایچنده کیمک قازاندیغنی آکلامق ممکن دکدر . آرتیق قطعی انتخاباتی بکله مکدن باشقه بر چاره یوقدر .

§ بر قاج آی مقدم اولدیریان انکلز سرداری (لیستاق) ک حادثه قلی اطرافنده تحقیقات دوام ایدیور و بعض توقیفات اجرا اولونیور . فقط هنوز تحقیقات ختام بولماسمش و مظنونلر محکمه یه ویرلشدر .

تونس . — مصر غزته لرنده او قوندیغنه کوره تونس مطبوعاتی عظیم بر تضییق آلتند بولونمقده در . مطبوعات فرانسه نک تونس قومیسرینک یدتحکمنده در . موسی الیهک مجرد امریه غزته لر مصادره اولونیور ، تعطیل ایدیور . صوک سنه لر طرفنده بر چوق تونس غزته لری تعطیل اولونمشدر . بونلر میسانده (المشیر ، الجامعه ، الصواب ، العصر الجدید ، حبیب الامه ، حبیب الشعب ، المظلوم ، المهضوم ، النصیر ، البصیر ، الهلال ، التونس ، الاستبداد ، الممثل) نامنده کی غزته لرله دهها باشقه غزته لر واردر . اخیراً (الممثل) نامنده کی

غزته نک صاحبی آلی آی حبسه و (۳۰۰۰) فرائق جزای نقدی به محکوم ایدلشدر . مع مافیه بوتون بوتضیقات مسلمان غزته لر قارشیدر . فرانسه غزته لری تمایله سربست بولونمقده در .

سوییه . — بیروتدن آلمان معلوماته کوره بیروت اهالی اسلامی سی بویوک بر اجتماع عقد ایدرک اسلامی بر جمعیت تشکیله قرار ویرمشدر .

عراق . — عراقدن آلمان معلوماته کوره عراق استقلالک تأمیننی استهداف ایدن عراقیلر اخیراً (العهد) نامنده بر غزته نشرینه باشلامشدر . غزته نک مسلکی عراق استقلالنی مدافعه ایتمکدر .

محاربه . — (جده) اطرافنده وقوع بولمقده اولان محاربه لر دوام ایتمکده در . انکلز غزته لرینک ویردکلری معلوماته کورده و هایلر طرفندن (جده) یه هر صباح یکرمیشر بومبا آتیلمش ، فقط بونلر مهم خسار تولید ایتمه مشدر . بناء علیه وضعیت عسکریده شایان قید برتبدیل یوقدر . انکلزلرک (جده) یه اعزام ایتدکلری سیاح وکاشفاردن مستر (فلی) تدقیقاتی اکمال ایتدکدن سوکره لوندره یه عودت ایتمش و مشاهداتی (دهیلی تلغراف) غزته سنه یازمشدر . موسی الیه و هایلر طرفندن احراز اولونان ظفرک کلوب کچیجی برظفر اولدیغنی ، بونلرک دوامی براداره تأسیس ایده میه جکلرینی بیان ایتمکده در .

هندستانه . — لاهورده کی (اشاعه اسلام) یعنی نشر اسلام انجمنک آثار غیرتندن بری ده بو هفته غزته لر مزده موضوع بحث اولمشدر . نشر اسلام انجمنی کچن تشرین اولده (آلمایا) نک مقراداره سی اولان (رلین) ده اساسی وضع ایتدیجی جامع شریفک انشائاتی ایلرله تمشدر . جامع شریف کله جک مارتده عمومه کشاد اولونا جق و بوضو رتله حقائق و معالی اسلامی نک نشری ایچون آلمانیا ده بر مرکز ارشاد تأسس ایتمش بولونا جقدر .

(رلین) جامع شریفی ، برلینک الک مکمل بر یرنده انشا اولونمشدر . بو جامع شریفک اکالی واوراده یاییلاجق فعالیتک تنظیمی متعاقب نشر اسلام انجمنی (روما) ده واتیقانک تحصنکاهنده ده بر جامع شریف انشاسنه باشلا یه جقدر .

نشر اسلام انجمنی شیمیدین (رلین) ده (مسلمیسته ره وو) نامنده بر اسلام مجموعه سی نشرینه باشلامشدر .

آبونه لری ختام بولاره قارئی کرامک آبونه برلرینی ارسال ایتمک لطفنده بولونملری ویا آبونه ره صرف نظر ایدرکلرینی انعام بوبرملری باظافه رجا اولونور .